

# **Universitätsbibliothek Paderborn**

**Hiob**

**Brenz, Johannes**

**Haganoæ**

**VD16 B 3079**

Praefatio Eximiae Pietatis Viro, Theodoricho A Gemmingen, apud  
Gutenbergam Necchari Regulo, Suo in Christo Patrono obseruandißimo,  
Iohannes Brentius.

**urn:nbn:de:hbz:466:1-36516**

P R A E F A T I O

# EXIMIAE

PIETATIS VIRO, THEO-  
DORICHO A GEMMINGEN,  
apud Gutenbergam Necchari Regulo,  
Suo in Christo Patrono obseruan-  
dissimo, Iohannes Brentius.



ITTO AD TE, VIR  
longe omnium optime, quas  
in Hiobis Tragœdiam ad-  
notationes meditatus sum.  
Cur enim non Tragœdiam  
appellarem? quando, ut in  
Tragœdia, ingentes perso-  
ne, magni timores, lucius, exilia & cædes habentur:  
ita in hoc libro magnates, reges & sapientes collo-  
quuntur, funesta mortis desyderia, terribiles inferni  
horrores, interim & in Deum blasphemie execra-  
biles describuntur. Huc adde, quod & libri phrasis,  
apd' suos Hebræos, cothurno tragicō inedit, adeoq;  
intoto ferè libro nihil non tragicum reperies, nisi  
quod exitus multo omnium lætiſimus est, qui in Ex-  
ibnicorum tragedijs, funestus habetur. Nā hoc ipso  
Spiritus sanctus docuit, non solum quantum sacra à

P R A E F A T I O

prophanis, uerum etiam quantum calamitates piorum  
ab impiorum luctu distent. Lugent enim Ethnici, do-  
lent impij, sed luctus eorum finis, est funus, id quod  
sue ipsorum tragœdiæ testantur. Lugent & pijs, sed  
exitum habent eorum calamitates optatissimū, cuius  
rei exemplar in hoc libro propositum est. Has igitur,  
qualescunq; adnotaciones, ad te, Theodorice hu-  
manissime, mitto, non tam hoc nomine, quod ob pie-  
tatem tuam dignus sis, quem certatim omnes pijs co-  
lant & uenerentur, quam quod multa, tum propter  
egregias fortunæ dotes, tum propter celsam & plane  
heroicā animi uirtutem, qua ingentia crucis aduer-  
sa, toleras, cōmunia cum Hiobe habere uideris. No-  
ui, tantam animi celsitudinem in cruce cōstantissime  
perdurantē, in mortali tua carne nō esse natam. Dei  
Opt. Max. donū est, non hominis, aut natura, aut ar-  
tificiū. Itaq; si hæc adnotationū mearū & ταχέων  
(non enim ausim eas honorificētius adpellare) boni  
consulas, & grato animo suscepferis, si & his, studia  
fratrum meorum, quos in Kreichgoia tua, habeo am-  
cissimos, adiuuero, suo munere satis defunctæ  
erunt. Vale in C H R I S T O Domino  
noſtro. Ex Haſa Sueuorū, ter-  
tio Decembris. Anno  
M.D.XXVI.